

16
2-1

VRBANO VIII.
PONT. OPT. MAX.
PANEGYRICA
ODE

33-5-F-10

Gregorij Porcij.



ROMÆ, Typis Iacobi Mascardi.
M. DC. XXXIII.

SVPERIORVM PERMISSV.

Beatissime Pater.



C *T* *A* heroicis maiora Sanctitatis Vestrae, excitant, acuumq; ingenia, non modo praestantissimorum Historicorum ad scribendum, sed sopitas etiam Musas Poetarum ad exornandum, impari utique stylo, et laudem à rebus expositis habituro. Ego verò qui tamquam Anser inter Olores obstrepo, celebri tamen earum commendatione, veteriq; obsequio, quo Sanctitati Vestrae, atque Excellentissimae familiae BARBERINAE mancipatus sum, rude carmen edidi; ut admiratione potius, quam laudatione prosequerem; devotamq; mentem erga Sanctitatem Vestram publicè profiterer, ac venerarer. Mecenate, celsissimum Litterarum; cuius beneficijs, ut terra Caeli imbribus, ita bonus quisque affluit, fecundaturq; ad uberem fructum ab ea promanantis felicitatis, quam Sanctitati Vestrae diuturnam precatus, illius pedes humillimè deosculor.

Sanctitatis Vestrae

Devotissimus Servus

Gregorius Porcius.



Triumphales agitans Quadrigas
Dulcis Euterpe super astra, siste
Italīs oris dociles Iugales,
Siste Quadrigas.

Stent Equi frānis domiti, volantīs
Pegasi munus subeant, amœnum
Vngula pulsent Heliconā, surgat
Fons Aganippes.

Fontis erupti, calamo citato
Spargē facundos latices, & œstro
Entheo Phœbi stimulatā tende
Lesbia plectra.

Vatibus tritos, Trabeisq; cerne
Inclytos Colles Latialis Urbis,
Pronaq; VRBANI, modulata carmen,
Nomen adora.

Illius triplex venerare stemma,
Quo, premens lucem, referensq; Titan
Respicit majus nihil, aut in astris
Pulchrius ambit.

Te canat rerum Dominum, cothurno
Vecta miraculum celebret Vetustas
Orbis Octauum, decorisq; Romæ
Cedat honores.

Te canat Sacri columen Senatus,
Regna qui firmas, placidaq; Reges
Pace componens patefacta Iani
Limina claudis.

Inde Tu summo reuocans Olympo
Iuris Astræam dominam, maritas
Fœderi, Leges populis, & æqua
Pondera libras.

Te Stygis nigræ Dominator horret,
Labis expertes animas iubenti
Reddit inuitus, tibi se recludunt
Atria Ditis.

Sic tibi Cælum famulatur, Eos
Purpurat flauo redimita ferto,
Phosphorus præit rutilans, tibiq;
Militat Æther:

Ætheris cellas penetrans in Arces
Iungis Heroas Superis, & Albo
Scribis æternis celebranda fastis
Nomina Diuum.

Arnus Hetruscus, Lusitana tellus
Vidit euectos, coluitq; Ciues,
Quos Polo natos tulit inter astra
Inclyta Virtus.

Sic inexhaustis opibus refertos
Roma Thesauros populis ferentem,
Teq; sacratas referare vidit
Aduena portas.

Cuncta lustranti tibi vastus Orbis,
Et Thetis seruit: tibi gestat aurum
Hermus, & mixtas adamante gemmas
Fundit Hydaspes.

Æra

Æra defudant bimaris Corinthi,
 Cyprus excudit tibi destinata,
 Secta saxosæ Páros, & Carystos
 Marmora mittunt.

Hinc & hinc fulgent maculata venis
 Saxa, Lyssippi paritura cælo
 Non Alexandri, sed in Orbe Regum
 Icona Regis.

Templa mirantur reſerata PETRO
 Ære ſuffuſas Temesæ Columnas,
 Queis opus nullo vetuſ egiſ ætas
 Tempore majus.

Mille mæandros ſeries recurua
 Celat, euoluit, retegitiq; ſurſim
 Bractæas ſparſas Apibus renatiſ
 Arte Myroniſ.

Explicant Aræ Simulacra, ludit
 Marmor aurato radians metallo,
 Fert adoratæ Crucis, & ſalutiſ
 Gemma trophæum.

Sorte Mauſoli potiora ſurgunt
 Artemiſeo monumenta ſumptu,
 Molibuſ nulliſ Veterum, nec artiſ
 Arte ſecunda.

Hic Apelleiſ parileſ figuris
 Pictor expreſſit tabulaſ colore,
 Ficta non fictiſ animata pinxit
 Corpora membris.

Texta piscatrix vario lapillo
Cederet sævis agitata ventis
Nauis, VRBANI nisi tuta iussu
Surgeret vndis.

Tollitur contra solidata muris
Arx recens ductis, positoq; vallo
Hostis infestas acies repellit
Ælia Moles.

Quot Giganteos tulit arma contra
Æterna conatus Superum ministra,
Vrbs tot armorum varios Leonis
Tollit acervos.

Hic quis VRBANI referet minaces
Machinas belli, clypeos, & enses,
Quæ fabros Brontem, Steropemq; lassos
Vستا relinquunt?

Rege Te, prisco redeunt metallo
Sæcla Saturni: gerat arma quamuis
Suecus, & septem quatiat Triones
Tristis Enyo.

Regna deterret, iaculatur arces
Fulminum iactu, tonitruq; Mauors:
Illa sed Sacræ metuunt dicata
Culmina Lauro.

Faustitas latè viget, & Latinis
Sedibus Virtus, Probitasq; regnant,
Quisq; Romana placidos in Vrbe
Exigit annos.

Pace lætatur, fruiturq; Rhenus,
 Grajus Eurotas, Rhodanus, Garumna,
 Amnium princeps Padus, atque Iberus
 Accola Romæ.

His ab Actæis oleas Athenis
 Pallas exportat, Cererem dat ora
 Sicelis, vectat grauidas Lyæo
 Massicus vuas.

Hinc Amaltheæ cumulata donis
 Roma, fœcundas segetes egenis
 Spargit, & plenas opulenta messes
 Copia præbet.

Mons Quirinalis sua celsa Rupem
 Saxa Tarpejam videt æmulari.
 Iussit VRBANVS, stetit alta Cautes
 Turribus aucta.

Montibus valles tumulauit, ædes
 Ædibus iunxit, nemorosa Syluis
 Tesqua laxauit, spatijs Vireta
 Munijt æquis.

Templa molitus Superis, plateas
 Strauit, & riuos gelidos aquarum
 Pincij Collis niueo subegit
 Marmore Cymbæ.

Hinc ad Augusti sceleris Lauacrum
 Flauij venit, Laterana tecta
 Aureis lamnis, asarota crustis
 Texit Ophitis.

Mouit

Mouit Amphion lapides canendo ,
Struxit & Thebas . fabricaris Arces
Tu pari cantu , solidisq; cingis
Mœnibus Vrbes .

Testis est grandi strue quæ superbit
Felsinam propter fabricata Moles .
Hæc ab VRBANO titulis verenda
Nomina ducit .

Testis est turus Vetulæ recessus
Vrbis , externis malefidus olim
Mercibus portus , vel inhospitalis
Nauibus hospes .

Ille Trajani statione moles
Nobiles vincit , celebres Neronis
Vincit , & temnit tacitas amœno
Littore Bajas .

Africæ fraudes domat , & TUNETIS
Furta , Lunatæ remouet carinas
Classis , & fluctus pelagi furentis
Aggere frænat .

Vmbriæ fines rapidus Metaurus
Linquit , & ripas Tiberis reuisens
Labitur mitis , sequiturq; PETRI
Carbasa Nauis .

Mitis VRBANVM colit ille , quondam
Qui suo cernens fluuio natantem
Sanguinem Pœni , coluit Neronis
Claudia Castra .

Roma

Roma quid debet reduci Neroni ,
 Asdrubal victus docet ; at Parenti
 Debet VRBANO quid adaucta Roma,
 Vmbria iactat ;

Iactat & totum Latium , quod Vrbes
 Ciue conspexit viduas , & agros
 Italos fleuit stygij repletos
 Tabe veneni .

O nimis felix . tibi nunc Erinnyes
 Cessat immitis , manibus flagella
 Victa deponit , saturata cæde
 Exuit arma .

Arma submitunt pariter phalanges ,
 Quas peremptorum rubeus cruore
 Sensit hostili rabie frementes
 Mincius Amnis .

Quò sed Euterpe resonantis auræ
 Me rapis cantu ? meritos honores
 Det cothurnati nitido Maronis
 Carmine Clio .

Verte nunc lassos alio sonoræ
 Barbiti neruos : animi canenda
 Dona sunt nobis . veniat Nouena
 Turba Sororum .

Prima Te dignum Species supremis
 Fascibus censet , nitet absque fastu
 Grata Maiestas , generosa fulget
 Ore Venustas .

Dulce

Dulce Tu mulces Homines loquela,
Instar Alcidae trahis audientes
Auribus captos, placidisq; flectis
Corda catenis.

Ingeni rara, volucrisq; mentis
Dote, Naturæ, Sophiæq; nexus
Gordios soluis, penitusq; nosti
Abdita rerum.

Syrrium fluctus, vada perq; cæca
Iuris immensi graderis, nec ullus
Te magis cautus maris æstuosi
Æquora fulcat.

Te latent nulli numeri soluti
Lege, tu Graium melos, & Latina
Iungis Hetruscis fidibus venustæ
Carmina Musæ.

Omnis in docto residet cæterua
Corde Virtutum, Charitumq; triplex
Cætus, & Pitho veluti Periclis
Sessitat ore,

Cuius in labris volitans decorus
Rex Apum ponit redolente flore
Mel, quod instructo populatus Hyblam
Agmine finxit.

Moribus culti paribus Nepotes
PATRVI magnos animos, & artes
Pallados spirant, subeuntq; dignas
Hercule curas.

Germen

Germen Heroum, decus Vrbis ingens,
 Pieri flores, & Apollinaris
 Incolæ Pindi, Themis, & palæstræ
 Iuris Alumni.

Magnus his Atlas humeros Olympo
 Subtrahens, partes oneris relinquit,
 Certus Alcidæ posuisse dorso
 Pondera Mundi.

Hos opes nullæ, titulive tollunt,
 Hos honos nullus rapit, aut retardat,
 Fastus hos nullus tumidos, nec vlla
 Gratia reddit:

Sola sed Virtus recreat serenæ
 Mentis edoctos Bonitate sensus,
 Sola quæsitum meritis fauorem
 Gloria captat.

Principes pacis, quibus almus Orbis
 Arbiter, ferri virides oliuas
 Regna per Galli, per & ampla Regis
 Iussit Iberi.

Astra, Ledæi iubar æmulata
 Syderis, cessit quibus orta belli
 Dira tempestas Aquilone, venti
 Turbo recessit.

Et quis augustos Apices Curulis
 Sedis, & fasces valeat referre
 BARBERINORVM, veterisq; auita
 Stemmata Gentis?

Deſe-

Deferit vires Chelys iſta, mentem
Obruit rerum cumulus, reſurgit
Illa Te rurfus celebrans, vt arbor
Pondere Palma.

En tibi fauſta populus precatur
Voce Trajani probitatis auram,
Optat Auguſti ſeriem ſecundo
Ordine rerum.

En tibi Princeps ſtudioſa plaudit
Barbitos, tenſis animata chordis
Nomen VRBANI ſonat, & ſonore
Aëra mulcet.

Ludit huic Echo reſonans imago
Vocis emiſſæ, caua perq; ſaxa,
Perq; ſeptenos ſpatiata Colles
Carmina dicit.

Sic tibi Clotho noua fila penſis
Aureo carpat glomerata fuſo,
Nec tibi ſcindat Lachæſis retorta
Stamina vitæ.

Sic tibi nullas Atropos Senectæ
Parca præſcribat breuitate metas,
Sic tibi claros ſine nube. donet
Neſtoris annos.

Inde Virtutis ſuper aſtra curru
Fama te ducat, tibi gratulata
Ponat excelfo Solio propinquam
Gloria Sedem.